


KWANGALI – “Who will deliver me?”

ILYE TAVURU KU MANGURURANGE ?

Josili apa na zuvisire moSondoha Evangeli Iyo kutetukisa mokambongi kokanunu mwa Foromani mo Basoetoeland. Mbunga zonene zapongere kumwe naForomani namukadendi vapongere pamwe mukupurakena Evangeli IyaKarunga Iyo-Mwenyo Iyononkondo ngwendi rufuro rwonongenge mbali ku hwilira mo katyi ko mutyima go muntu.

Siruwu ame kuna kuzuvisa kuliharuka mukada Foromani kwakuli kokera pamwe oku kuna kulira (hompaa go mukadi) Nomahodi kuna kutjika momeho gendi, no kukatuka kumwe nokuzigida, Ilye na mangururange? Kwaseninge na kanderere mutjima gwange kuna kukora unene ame udwa mo mutjima Ilye na kwasange? Ilye na mangururange koupika ou wononzo?



Gwina a rugana urunde ige gwa Satana. 1 Joh. 3:8.

Inke na wapere kurugana? One muna divange na muvenye ni mukadi kadona.

Ame rorunzi nonvura nomurongo mbali na papara ngereka nye na gumwesi ana kwasange awo kapi tava vuru kukwasange

urunde una mangange. Ame nkorwe no mudipagi. Mawoko gange gana nyata morwa kurugana yokukorwesa efito lyokunwa urunde una manga mawoko nomaguru gange nkwatwe gomo heli!

Age kwalilire unene gazile aka hingire momutjima kuna ku zigida: Kwasange Kwasange! Ilye na mangururange Ilye na mangururange mono mango dourunde ou? Ame na hara Karunga nye urunde kuna kupangerange urunde kuna kukokerange kuyukisa moheli. Ame na dipaga munwange gombeli gomugara na korwere mo kumuvika komugongo makura tanili ganda no unkorwe wange taka tonapo mutwe tagu tauka makura tafu munwange o k gokuhara. kwaseninge nakanderere diturenge mokufa oku! Udili kudiva kapi taukwasange eruganeno Karunga kapi lina kukwasange Ilye na kwasange? Ilye na mangururange?

Ame na mulimbwilire asi mbili zikare nove. Kapsi asi nainye inapiti hawe. Udigu woge udigu wanavenye. Embo Mbimbeli tazi tu sansekere mono mutjima kutulimburura. VaRom. 7:15. kututantera ngapi autupangere urunde nye kututantera hena ogu tavuru kutumangurura.

Morwa ame na sidiva mwamwange mwene, sina divisange monyama zamwange mutupu sokukaramo sosiwa; ame na hara kurugana uhunga nye mwato nonkondo mokusirugana morwa yoyiwa nahara kurugana kapi ani yirugana, nye yoyidona nanyenge na dili kuhara yiyo na kurugana Urunde ou unakara mwange yiwo una kugazaresange kurugana yoyidona, neyi yoyiwa nina hara kapi ani yirugana. Ame tani litanta koveta zaHomba noko vantu vapeke, nye panakara veta zapeke monkareso zange zina yuka tazili pura mwange zina mangange mokatji koyeta morwa urunde. Ezuva ngali kara kuzigida kwanavenye. Ame muntu yilye na mangururange? Nsene ose tuzigida kwaKarunga tatu pura no kutumangurura.

ELIMBURURO

Ame tani pandura Karunga mwaHomba gwetu Jesus Kristusa. Varom. 7:25. Muna nsene tamumangurura sili muna manguruka mosili. Joh. 8:36.

Kristusa yige gokutulimburura komahundiro getu nagenye: elimbururo lye puro lyoge. Kugaruka kutupu kedina lya peke medina lya Jesus mwelike na tu kaparukira. Yir. 4:12. Jesus gumwe tupu gokutu zeresa koudona wetu naunye. Kutupu

Ndokotora kutupu nganga kutupu vampure kutupu muntu patupu muzuvisi mupilisiteli, ndi ngereka zivure kutuditura kourunde wetu. Jesus geNzwigona zaKarunga yige na ka gusapo udona wopevu taka kuzowora mohonde Zendi nononkondo doMpepo zendi.

Jesus Munwa Karunga gawizire oku kontunda zevu, Moku-pahura meho govatwiku; Kupwagesa vamangwa modorongo novena vahingira monomundema. Jes. 42:6,7. Jesus asi nkenye ogu tarugana urunde ana ninki mupika gourunde, nye nsene Munwa Karunga ana mumangurura muna manguruka mosili. Joh. 8:34-36. Jesus yosili kumangurura.

Jesus Munwa Karunga ana simbi urunde wetu naunye dogoro positji sokuvindakana. Urunde woge naunye vana upampara positji sokuvindakana. Age ana gusa kuhanda kwetu nakunye nounzoni ana usimbi. Yige ana kutuzuvira ruhodi vamuswaure siruwo ana tu zowora va mutonene dorongo yizo zina turetere mbili pwendi poyironda yendi tuna gwana kuveruka. Jes. 53:3-7.

AME TANI PANDURA KARUNGA MWAJESUS KRISTUSA



“Ogu ana manguruka mwaMunwa (Jesus) age ana manguruka mosili” Joh. 8:36.

Baranabasa gakere munzoni nomudipagi va mu pangwilire kufa. Age va muharere kukamuvambere nye Jesus ga gusire evega lyendi nokusimba sitji sokuvindakana esi vahere kuka-vambere Baranabasa. Jesus Munwa Karunga va mu vamberere mevega lyaBaranabasa neli lyanze neli lyoge. Mudipagi va mu mangwilire morwa gwapeke gagusire kufa kwendi. Nove name nyose tupu Baranabasa.

Nzambi zourunde kufa, nye uhwi waKarunga mwenyo gwana runye mwaJesus Kristusa. Nsene ove ono huguvara positji sokuvindakana saJesus mokutara, nyove no urunde woge vana kuvambere pena Jesus ana gusa evega lyoge positji sokuvindakana yipo ove oka paruke siruwo nasinye Age honde zendi zina tjika mokudongononapo nonzo doge. Morwa Karunga gahere uzuni yipo ga geve Munwendi gempogwe yipo waha ka zumbana nye oka kare nomwenyo gwanarunye.

Siruwo mukada Foromani gahana kuzuva nonkango ga huguvarere mosili ga gavere mutjima gwendi kwaJesus na gunye morwa ga mufililire posivindakano nomfuto zohonde zendi za tjikire mokuzeresha urunde naunye womo mutjima gwendi. Age urunde womomutjima gwendi gaupere Karunga naKarunga ga mupere mutjima gomupe nokumuzulisa Mpepo Mupongoki. Kapesi asi gelike nava avavulika kourunde kwavadongwene-nepo. Kutunda pena nomvura dononzi gakere nawa mouzera nokuyukilisa mutjima gwendi. Age kapi ganwine hena marovu ndi nkenye ikorwesa hawe, kapi ga kokere ndi kufenya narumwesi komakanya gaheserere no kukuhuka momwenyo nononkondo doumbangi wouhunga, ngwe ndi age mwaJesus Kristus ana kara geungo lye pe; yoyikuru yina piti nayinye yina ninki yoyipe. Vak. 5:17.

Go kuhara muresi nove hena tasiwapa kukumangurura mokuhuguvara Jesus Kristusa. Jesus asi, wizeni kwaNge one namuvenye muna roroka nokukondza Ame tani kamupa epwizumuko. Wizeni kwaJesus ngo momu tupu ono kara na nkenye omu onofana. Lisanseka urunde woge naunye nounzoni woge. Age kapi takutengwida hawe, nsene ove towiza nokulinunupika nokulifaunsigona nokuhuguvara momutjima goge. Mpamwe kapi ono purakene kovazuvisi nye urunde una kumanga. Wiza kwaJesus, Age usimbu usimbu taka kumangurura pandunge zimwe tupu gaverwire wo yingomdwe nova twiku Jesus yige tupu tavuru kuverura mutjima gokurara novamangwa kuvamangurura Age ta dongonona unzoni wetu nokuverura kuhanda kwetu.

Nsene ove mutjima goge ono gugava kwaJesus, tanterako vakweni vapeke kogu ana kumangurura Tuna hara tuyizuve moge.

E-MAIL: info@angp.co.za

ALL NATIONS GOSPEL PUBLISHERS
P.O. Box 2191, PRETORIA, 0001, R.S.A.

(A Gospel Literature Mission financed by donations)
(Reg. No. 1961/001798/08)